



UNIVERSITÄTS-  
BIBLIOTHEK  
PADERBORN

## **Nucleus Juris Canonici**

**Thenhaven, Bernhard**  
**Coloniæ Agrippinæ, 1739**

II. De Calumniatoribus. D. 2.

---

[urn:nbn:de:hbz:466:1-63382](https://nbn-resolving.org/urn:nbn:de:hbz:466:1-63382)

„strà confessionem suam ex eo prætextu  
 „impugnat, quòd super iisdem crimini-  
 „bus non fuerit antè infamatus, aut quòd  
 „Capitula inquisitionis non fuerint eidem  
 „tradita, sed puniendus est, prout iustitia  
 „exigit. Ratio, quia per confessionem  
 propriam Rei in iudicio factam crimen fit  
 notorium; ideòque sibi imputare debet  
 Reus, quòd non excipiendo contra illegi-  
 timationem Inquisitionis crimen suum  
 confessus sit.

Praxin formandi processum crimina-  
 lem viâ Accusationis, Denuntiationis aut  
 Inquisitionis, fusè tradit *Reiffenst. b. t.*  
*à n. 340. & seqq.* è quo prudens Iudex spe-  
 ctatis circumstantiis facillè videbit sub-  
 stantialia in eo observanda.

## TITULUS II.

### *De Calumniatoribus.*

I. CALUMNIATOR propriè est, qui falsa  
 crimina intentat, seu innocentem  
 per malitiam in iudicium defert. *Præ-*  
*sumptus* dicitur, qui crimen, de quo  
 aliquem accusavit vel denuntiavit, in  
 iudicio, non probat; nam Actor para-  
 tas habere debet probationes; & hinc,  
 si in probatione deficiat, præsumi-  
 tur animo calumniandi litem movisse.

Hæc

Hæc tamen præsumptio admittit probationem in contrarium, ac concurrentibus circumstantiis & juramento animus calumniandi purgari potest, v. g. si delictum fit semiplenè probatum; aut præcedentem infamiam & indicia sufficientia ad inquisitionem quis docuerit, &c. præsertim si ex officio denuntiet, ut Fiscus. Quod arbitrio Judicis definiendum relinquitur.

2. Pœna Calumniæ (quæ à S. Athanasio in *Apolog. ad Constantiam* appellatur, peccatum diabolicum) jure civili est, ut calumniator ultra condemnationem in expensas ab Accusato vel Denuntiato factas notetur infamiâ & puniatur Talione. Olim *L. Rhemia* statuta fuit pœna inustionis frontis inscriptâ literâ K. quæ est prima calumniatoris. Jure Canonico h. t. c. 1. & 2. Clericus calumniator privatur officio & beneficio. Unde ait *Wagn. h. t.* gravissimè peccant Superiores, qui accusatores & denuntiatores criminum non solum libenter audiunt, sed deprehensâ licet calumniâ impunes dimittunt, multosque innocentes opprimunt.

☞ (+) ☞

TITU-